

名亦既有

通玄經曰今人之道智欲圓行欲方能欲  
多事欲少智圓者無不知也行方者有不  
為也能多者無不治也事少者約所持也  
所見大者所知小而不知失故無道以理  
之法雖大足以亂十七

夫亦將知止

南華經曰知止乎其不知所不知至知止矣  
知止所以不殆

南華經曰人莫鑑於流水而鑑於止水唯  
止能止衆止

譬道之在天下

通玄經曰故道之在天下譬猶江海不為  
也

猶川谷之與江海

通玄經曰江海不為能取百川不求故能  
得

道德真經四子古道集解卷之四

道德真經四子古道集解卷之五

古 稟 冠 才 質 集

通五

知人者智章第三十三此華南華經  
言古者聖人  
聖志之初負當顯嚴名則此六者物  
志也不動智中則正正則虛靜無為  
而無不為也古之聖人有知人  
之智自知之明有參人之力自勝之  
強有知足之富強行之志有斯六德  
也主有德業不失其所之久死有而  
名不亡永壽也知人者智

知人者智

通玄經曰知賢之謂智智莫大於知人知  
人則無亂政

自知者明

通玄經曰愛賢之謂仁敬賢之謂禮

勝人者有力

通玄經下德篇曰勝人者有力能用人力  
者必得人心者也能得人心者必自得者

也

自勝者強

通玄經曰自勝者強能強者必用人力者  
也未有得已而失人者也未有失已而得  
人者也

知足者富

通玄經曰足用之本在於省儉不須財而  
富

強行者有志

通玄經曰古者不以賤為危不醜窮無人  
非

不失其所者久

通玄經曰故知生之情者不務生之所無  
以為知命之情者不真命之所無奈何

死而不亡者壽

通玄經曰君子雖死亡其名不滅名聲傳  
於後世何往而不壽

大道汎兮

南華經曰以道汎觀而萬物之應備汎愛  
萬物天地一體也

其可左右

其可左右

通玄經曰大道無所不可可在其理見可  
不趁見不可不去可與不可相為左右相  
為表裏

萬物恃之

南華經曰夫道蓋萬物而不為戾澤及萬

世而不為仁

以生而不辭

通玄經曰夫道者萬物恃之以生莫知其

德

功成不名有

通玄經曰大常之道收斂善積而不加富

德

愛養萬物而不為主

通玄經曰大常之道收斂善積而不加富

布施稟受而不益貧愛養萬物而不為主

常無欲可名於小

南華經曰刻彫萬物衆形而道不為巧作

不為而自成

萬物歸之不為主可名於大

通玄經曰大常之道化成而不宰洞靈經

曰道者不為謀府不為事官其功至妙不  
為功主

是以聖人

通玄經曰是以聖人以道況愛愛下故能

成其大

終不為大

通玄經曰古之善為君者法於江海江海

愛下終不為大百川歸之故能成其大

故能成其大

南華經曰夫道惠施以此為大觀於天下

執大象章第三十五此章南華經言上古神農之世

外則居居起則于子民知其母不知其父與羣鹿共處耕而食織而衣無有相害爭就之心此大道之世至德之隆也執道安泰天下太平也

執大象

通玄經曰執道者德全德全者聖人之道

也古者三皇得道之統立於中央無為為

之而合乎道無為言之而通乎德

天下往往而不害

通玄經曰古者災害不生禍亂不作天下

和平治之本也

安平泰

南華經曰古者智謀不用必歸其天此之

謂太平治之本也

樂與餌

南華經曰甘其食樂其俗

過客止

南華經曰安其居通玄經曰古聖人之牧

民也使各便其性安其居處無由相過

道之出口

通玄經曰夫道不可以辯言言而非道也

古道不言而治

淡乎其無味

通玄經曰夫道者淡然無欲漠然無為淡

兮無味不應而得

視之不足見

通玄經曰夫道不可以明見見而非也任

目而明視者勞心而不明待目而照見其

於為治難矣視知其明謂之夫道古者不

視而見

聽之不足聞

通玄經曰夫道不可以聰聞聞而非也以耳聽治苦心而無功待耳而聰聽其於為治難矣聽知所聞謂之失道古者不聽而聰

用之不可既

通玄經文子問曰王者得其百姓歡心為之奈何老子曰若江海即是也淡乎無味用之不既先小而後大

將欲歛之章第一十六此章南華真經莊子

將欲歛之必固張之善人多則聖知之天下也少而害天下也多則聖知之天下也少而害天下也

南華經曰後世雖重聖智而治天下則是

重利盜竊也為之斗斛以量之則并與斗斛而竊之

將欲弱之必固強之

南華經曰後世聖人生智而大盜起為之權衡以稱之則并與權衡而竊之

將欲廢之必固興之

南華經曰古者聖人而智已死則大盜不起天下平而無事後世為之符璽以信之則并與符璽以竊之

將欲奪之必固與之

南華經曰後世聖人若智不死大盜不止為之仁義以矯之則并與仁義而竊之是謂微明

通玄經微明篇曰道可以陰可以陽可以幽可以明約而能張幽而能明含陰吐陽而章三光先敬小微然後大明

道玄經曰道可以弱可以強可以柔可以剛柔而能剛弱而能強始於柔弱成於剛強積柔成剛積弱成強

魚不可脫於淵

南華經曰夫函車之獸介而離山則不免網罟之患吞舟之魚矜而失水則燻蟻苦之故禽獸不厭高魚鼈不厭深若泉乾涸魚相處於陸地相响以濕相濡以沫不能

救涸不如相忘於江湖魚相造乎水相造乎水者穿池而養給故曰魚不可脫於淵國之利器

南華經曰後世聖人者天下之利器也非所以明天下之聖智生盜竊也若竊仁義

并斗斛權衡符璽珠玉之利者雖有軒冕之賞弗能勸斧鉞之威弗能禁此重利盜賊而使不可禁者是乃後世聖人利器教民之過也聖人不厭樸不如相忘於道術人相造乎道相造乎道者無事而生定故曰國之利器不可以示人

不可以示人

南華經曰絕聖棄智大盜乃至璽玉毀珠小道不起焚符破璽而民樸鄙捨斗折衡而民不爭不可以示人

道常無為章第三十七此章南華真經

道常無為為覆載萬物者也洋洋乎大哉是故君子不可以不測心無為於道焉無德而巳矣古者無為自化天下大治也

通玄經曰無為者道之常也而無不為

通玄經曰大道無為萬物自生而無不為侯王若能守

南華經曰君子臨蒞天下莫若無為也無為也而後安其性命之情

萬物將自化  
南華經鴻蒙謂雲將曰汝徒處無為而物自化

化而欲作

通玄經曰民欲作動者信令殊也不誠心於道令動於上不應於下

吾將鎮之以無名之樸

通玄經曰古之聖人以道鎮之在上無為民化如神

無名之樸亦將不欲

南華經曰萬物殊理道不私故無名無名故無為上無為也下亦無為也

不欲以靜

通玄經曰古之善為君者無為也無為者

守靜也守靜能為天下王

天下將自正

通玄經曰上反清靜物將自正

上德不德章第三十八此章南華經

上古聖人不可及之教無為而天下

治故三皇不可及五帝德不可及

三五仁可為也而兵相亂也故曰失道

禮相偽也七為兵相亂也故曰失道

而後德失之而後仁失之而後義失

之末道之華也信

之薄而亂之首也

上德不德是以有德

通玄經上德篇曰高莫高於天也天道無

為尊高聖人法之天下定矣天道上德也

上德不德是以有德

下德不夫德是以無德

通玄經曰下矣下於地也人道有為卑下

君子體之天下亂矣人道下德也下德不

夫德是以無德

上德無為而無以為

通玄經上仁篇曰上古三皇上德無為者

天下歸之

下德為之而有以為

通玄經曰後世五帝下德有為者四海歸

之

上仁為之而無以為

通玄經曰三皇上仁者海內歸之

上義為之而有以為

通玄經曰商周上義者一國歸之

上禮為之而莫之應

通玄經曰五霸上禮者一鄉歸之

則據臂而仍之

通玄經曰七國無此道德仁義禮五者民

不歸也不歸用兵則據臂而仍之天下大

亂

故失道而後德

南華經曰五帝失道而後用德德不可至

也

失德而後仁

南華經曰三王失德而後用仁仁可為者

也

失仁而後義

南華經曰商周失仁而後用義義可虧也



失義而後禮

南華經曰五霸失義而後用禮禮相偽也夫禮者

通玄經曰末世為禮者淺行之謂之仁義薄行之謂之禮智淺行之則薄得福夫禮

者實之文也南華經曰聖人行不言之教道不可致德不可至仁可為也義可虧也禮相偽也夫禮者道之華也

忠信之薄  
通玄經曰末世修仁義則正一國修禮樂則正一鄉德薄者小

而亂之首  
通玄經曰五霸用禮為兵主為亂首南華經曰夫禮者而亂之首也

前識者  
通玄經曰古之為道者深行之謂之道德淺行之則厚得福盡行之天下服

道之華  
通玄經曰古者修道德則正天下德厚者大也

而愚之始

通玄經曰五帝用德道先稱古雖愚而德有餘南華經曰古者至德之世其行徐徐其覺于于

是以大丈夫  
通玄經曰是以大丈夫恬然無思淡然無慮行乎無路遊乎無怠出乎無門入乎無房屬其精神偃其知見則內修其本不外飾其末道德無為也

處其厚不處其薄  
通玄經上仁為文子問仁義禮何以生亂為薄於道德也老子曰為仁者必以人道哀樂論之為義者必以人事取與論之四海之內哀樂不能偏竭府庫之財貨不足以贍萬民驕奢故知不如修道而行德因

天地之性萬物自正而天下歸仁義因人情而附故薄之也是以大丈夫處其厚不處其薄

居其實不居其華  
通玄經文子問師曰後世仁義禮何以用

兵刑為薄於道德老子曰古者循性而行謂之道得其天性謂之德道德厚厚不用兵刑也後世德性失然後用仁義仁義澆薄用兵刑也是以大丈夫居其實不居其華

故去彼取此  
通玄經曰故去彼取此天殃不起得於此者忘於彼則咎去福來

昔之得一者  
昔之得一者第三十九  
此章通玄經  
修是學之德不求人之譽已所以得  
天下者非謂其處勢位極尊也言  
其運天下之心得天下之力也後世  
有赤面之名無一人之譽而夫天下  
也乎時不為王湯武不為古昔聖  
人天下不歎而不自善至無先聲得  
至道之要也體天  
無咎天下後久也

沖虛經曰道無形埒一氣九變復變而為一者天地人物形變之始也

天得一以清  
地得一以寧  
南華經曰天無為以之清地得一以寧  
南華經曰地無為以之寧

神得一以靈

南華經曰夫恬淡寂寞虛靜无為者此養神之道也則憂患不能入邪氣不能襲幸壽長矣昔廣成子得之於道千二百歲而形容未嘗衰

谷得一以盈

通玄經曰百川並流不注海者不為谷河海之源淵流而不歇

萬物得一以生

南華經曰萬物不得不昌此其道與

侯王得一以為天下正

洞靈經曰古者侯王不貴其儀不來其譽可謂有識者也

其致之

南華經曰致一則不二

天無以清將恐裂

通玄經曰天二氣則成虹陽不能常且冬

且夏月不知晝日不知夜

地無以寧將恐發

通玄經曰地二氣則洩藏陰不能常

神無以靈將恐歇

通玄經曰人二氣則生病形勞而不休則歇神用而不已則滅神傷於喜怒思慮之患者神盡而形斃矣南華經曰形勞而不休則弊神用而不已則勞勞則竭竭則滅矣

谷無以盈將恐竭

通玄經曰溝池澇則溢旱則枯川竭而谷虛丘夷而淵塞

萬物無以生將恐滅

通玄經曰物之生也草木英華物之死也

草木枯槁

侯王無以貴高將恐廢

通玄經曰在上不驕高而不危滿而不溢所以長守富貴若高危滿溢不能長久

故貴以賤為本高以下為基

通玄經符言篇曰人有三怨不知之乎貴高者人妬之官大者主惡之祿厚者人怨之夫爵益高者意益下官益大者心益小祿益厚者施益博修此三者怨不作故貴

必以賤為本高必以下為基

是以侯王自謂孤寡不殺

通玄經道原篇曰聖人自謂孤寡不殺歸其本根

此其以賤為本邪非乎

通玄經曰志弱而事強託小以包大聖人

法道之損者所以自賤也損則大天下長

又此天道之所成也

故致數譽無譽

南華經曰上古聖人并包天地澤及天下

而不知其誰氏是故生無爵死無謚實不

聚名不立此之謂大人天下數譽而不加

善惡識所以貴哉至譽無譽矣

不欲碌碌如玉珞珞如石

通玄經符言篇曰古者無為尸名不為謀

府不為事任不為智主藏於無形行於無

息不為福先不為禍始始於無名動於不

得已欲福先無禍欲利先達害故無為而

事者失其所掌即危無為而治者失其所

治即亂故不欲碌碌如玉珞珞如石

